

Siunnersuut: Kalaallit Nunaanni folkehøjskolit pillugit Inatsisartut inatsisaat nr. xx af xx. xx 2010-meersoq.

Siunertaq nassuiaatillu

§ 1. Folkehøjskolit ilinniartitsinermik nalinginnaasumik peroriartuutaasumik, ilinniartunut neqerooruteqartarput, pingaartitatut nammineq toqqagaq aallaavigalugu tamatigoortumik, nalinginnaasumik demokratiskiusumillu inunnik qaammarsaanissaq siunertaralugu. Folkehøjskolit nalinginnaasumik peroriartuutaasumik atuartitsinerup iluani atuartitsissutit ataasiakkaat imaluunniit atuartitsissutit ataatsimoortut sallitussinnaavaat.

Imm. 2. Folkehøjskolit ilinniartunik pisinnaatitsilerfiusumik ilinniartitsinermik neqerooruteqarsinnaapput, mernguernartulerinerup pilersitsiffiusumillu sammisaqarnerup iluani, ilinniartut nalinginnaasumik, atuartitsissutinut tunngasutigut inuttullu piginnaasaasa annertusarnissaat siunertaralugu.

Imm. 3. Folkehøjskolit ilinniartitsineq misilitsinnissaq siunertaralugu ilinniartitsinermik ilaqortoq neqeroortigisinnaavaat, malittarisassat atuuttut naapertorlugit meeqqat atuarfianni inaarutaasumik naliliinerit ilaannut peqataanissaq, ilinniakkani allani ilinnialissutaasinnaasumik ilinniartinneqarnissaq, inuutissarsiutinik tunngaviusumik ilinniartitsinerup iluani ilinniartinneqarnissaq aamma ilinniarnertuunngorniarfimmu atuartitsissutinik ataasiakkaanik ilinniartinneqarnissaq siunertaralugit. Ilinniartitsinerup ilinniakkami pineqartumi nalinginnaasumik piunasaqaataasut nallersorsinnaassavai.

Imm. 4. Folkehøjskolit ilinniartitsinermik imm. 3-mi taaneqartumik aallartitsinerat pisassaaq ilinniartitsinermik imaluunniit oqartussaasumik nalinginnaasumik ilinniakkamik pineqartumik neqerooruteqartartuusumik suleqatigiinnissamik isumaqatigiissuteqarneq tunngavigalugu. Isumaqatigiissut Naalakkersuisunit akuerineqassaaq.

Imm. 5. Naalakkersuisut imm. 1 – 4-mi aalajangersakkat pillugit erseqinnerusumik malittarisassaliorsinnaapput.

§ 2. Naalakkersuisut folkehøjskolip siulersuisuisa inassuteqareernerisigut akuerisinnaavaat, folkehøjskolip ilinniartitsinermik tamarmiusumik ilaanilluunniit ilinniartitsinermik sumiiffinni-luunniit allani kommunalbestyrelsen, suliffeqarfiit ilinniartitsinermik allat suleqatigalugit ingerlatsinissaa. Naalakkersuisut tamanna pillugu erseqqinnerusunik malittarisassaliorsinnaapput.

Ilinniartoqalersarnek aamma ilinniartitsinermik uppennarsaatit

§ 3. Folkehøjskolit ilinniartut folkehøjskolertussatut ilinniartunngortittarpaat. Naalakkersuisut folkehøjskolit oqaaseqaateqareernerisigut ilinniartunik qinnuteqartitsinermi ilinniartunngortitsinermilu periusissat pillugit malittarisassanik aalajangersaasinnaapput, tamatumunnga ilanngullugit ilinniartunngornissamut tulleriarinissamullu piunasaqaatit.

§ 4. Ilinniartut § 1, imm. 2-mi aamma 3-mi aalajangersakkat naapertorlugit ilinnialersut, ilinniakkap pineqartup iluani inatsisit qaqugukkuunniit atuuttut naapertorlugit ilinniartinneqassapput. Naalakkersuisut Folkehøjskolimiinnissap naammassineqarnissaa Namminersorlutik Oqartussanit tapiiffigineqartoq pillugu malittarisassanik aalajangersaasinnaapput.

Imm. 2. Ilinniartut § 1, imm. 2-mi aamma 3-mi aalajangersakkat naapertorlugit ilinnialersut, ilinniakkap pineqartup iluani misilitsinnissamut pisinnaatitaaffeqarput. Naalakkersuisut tamanna pillugu erseqqinnerusunik aalajangersagaliorsinnaapput.

§ 5. Folkehøjskolit ilinniartunut § 1 naapertorlugu ilinniarnerminnik naammassillugu ingerlatsisimasunut tamanut uppersaasiissapput. Naalakkersuisut uppersaasatit imarisassa, ilusissaat atuutsilernerilu pillugit erseqqinnerusunik malittarisassaliussapput.

Ilinniartunik ilitsersuineq tapersersuinerlu

§ 6. Folkehøjskolit ilinniartut tapersersorneqarnissaannik, ilitsersorneqarnissaannik siunnersorneqarnissaannillu folkehøjskolimiinnerminnik naammassinninnissaannik siunertaqartumik neqeroorfigissavaat.

Imm. 2. Folkehøjskolit ilinniartut ataasiakkaarlugit ilinniakkamik inuutissarsiummillu toqqaanissaq pillugu siunnersorneqarlutillu ilitsersorneqarnissaannik neqeroorfigissavaat. Naalakkersuisut ilinniartunik ataasiakkaaraluni siunnersuinissaq ilitsersuinissarlu pillugit erseqqinnerusunik malittarisassaliorsinnaapput.

§ 7. Folkehøjskolit ilinniartunut pisariaqartitsisunut immikkut aqqissuussatut ilinniartitsinermik neqerooruteqarsinnaapput. Naalakkersuisut tamanna pillugu erseqqinnerusunik malittarisassaliorsinnaapput.

Aqutsisut

§ 8. Folkehøjskolit suliffeqarfittut imminnut pigisutut ingerlanneqarput, qullersaaffigalugilu aquneqarnerat siulersuisunit 5-7-inik ilaasortaqartunik isumagineqarluni, taakku ilinniarfiup ingerlannera qullersaaffigalugu akisussaaffigaat, tamatumunnga ilanngullugit suliamut aningaasaqarnermullu tunngasutigut ingerlassat aamma ilinniarfiup ingerlassai pillugit aalajangersakat maleruarneqarnissaat. Siulersuisut aningaasartuutissatut isertitassatullu missingersersuutit akuersissutigisarpaat, tamatumunnga ilanngullugit forständerip inassuteqareerneratigut aningaasaqarnikkut sillimmatit agguannerat taakkualu atorneqarnissaannut tunngavissat. Siulersuisut naatsorsuutit atsiussavaat.

Imm. 2. Siulersuisut toqqarneqassapput malittarisassat, folkehøjskolit ataasiakkaat ileqqoreqqusaanni aalajangersarneqartut naapertorlugit ukiunilu sisamani atuutissallutik.

Imm. 3. Siulersuisunut ilaasortat ataatsimoorlutik folkehøjskolinik ingerlatsineq, ilinniartitsinernik inerisaaneq, pitsaassutsimik qularnaarineq, aqutsineq, aqqissugaaneq aningaasaqarnerlu pillugit ilisimasaqartuussapput, aningaasanut missingersuutit naatsorsuutillu nalilennissaat ilanngullugit, taamaattoq tak. § 23, imm. 3. Folkehøjskolit, siulersuisunik toqqaanerup kinguninnguutigut kikkut siulersuisunut toqqagaasimanersut pillugit Naalakkersuisunut ilisimatitsissuteqassapput.

Imm. 4. Folkehøjskolip forständeria siulersuisunut allattaavoq, siulersuisullu ataatsimiinnerini taaseqataasinnaatitaanani peqataasarluni.

§ 9. Siulersuisut folkehøjskolip ingerlassaanut piffissamilu ungasinnerusumi ineriartornissaanut tunaartarisassanik aalajangersaassapput. Siulersuisut ingerlassassanut pilersaarutit aalajangersartassavaat, akisussaaffigalugulu taakku siunertamut naapertuuttuunissaat, tak. § 1.

Imm. 2. Siulersuisut folkehøjskolip forständeria atorfinitsillugulu soraarsittarpaat. Siulersuisut forständerip ingerlatsinissaa pillugu erseqqinnerusunik aalajangersagaliorsinnaapput, forständerilu pisinnaatissinnaallugu, pisinnaatitaaffinnik siulersuisuniittunik isumaginninnissamut.

Imm. 3. Siulersuisut folkehøjskolip ileqqoreqqusaa aamma siulersuisut ingerlassinerminni suleriaasissaat suliarissavaat.

Imm. 4. Siulersuisut ilinniartitsineq § 1, imm. 2-mi aamma 3-mi eqqaaneqartoq pillugu ilinniartitsinermut pilersaarusiussapput, Naalakkersuisunit akuerineqartussamik. Tamannali atuut-

tingilaq Naalakkersuisut ilinniagaq pineqartoq pillugu ilinniartitsinermit pilersaarummik akuersereersimappata. Naalakkersuisut tamanna pillugu malittarisassanik aalajangersaasinnaapput, tamatumunnga ilanngullugit akuersissummik atorunnaarsitsinermit tunngasut.

Imm. 5. Siulersuisut ataatsimik amerlanernilluunniit ilinniartitsinermit ataatsimiititaliorsinnaapput, tamatumunnga ilanngullugu ilinniartitsinermit ataatsimiititaliaagallartunik pilersitsineq, ilinniakkat suliamut tunngatillugu imarisaat pitsaassutsikkullu qaffasissusiat pillugit siulersuisunut siunnersuinissaq siunertaralugu.

§ 10. Forstanderi ulluinnarni ilinniartitsinikkut aamma perorsaanikkut akisussaasuvoq, folkehøjskolimilu allaffissornikkut aningaasaqarnikkullu aqutsineq isumagisaralugu. Forstanderip qularnaassavai:

- 1) malittarisassat atuuttut naapertorlugit ilinniartitsinerup ingerlanneqarnissaa
- 2) pissutsit ilinniartitsinermit tunngasut isumannaatsuunissaat
- 3) missingersersuutit siulersuisunit akuersissutigineqartut eqquutsinnissaat
- 4) ilinniarfiup allatigut ingerlassaasa siulersuisut aalajangiineri tunaartarisassiaallu naapertorlugit pinissaat.

Imm. 2. Forstanderi ilinniarfiup ukiumi aggersumi ingerlassassai pillugit pilersaarutissamik (ukiumoortumik pilersaarut) siunnersuusiussaaq.

Imm. 3. Forstanderip folkehøjskolip sulisui allat atorfinitsillugillu soraarsittarpai, ilinniarfiup pisortai allat ilanngullugit.

Imm. 4. Forstanderip aningaasartuutissatut isertitassatullu missingersersuut naatsorsuutillu siulersuisunit akuersissatut inassuteqaatigissavai naatsorsuutillu atsiussallugit.

Folkehøjskolinik akuersineq

§ 11. Folkehøjskolit Inatsisartut inatsisaat manna naapertorlugu tapiiffigineqassagunik Naalakkersuisunit akuersisaassapput tapiissuteqartarnermullu piunasaqaatit piviusunngortissimasallugit, tak. §§ 13-16.

Imm. 2. Naalakkersuisut folkehøjskolit akuersinnaavaat:

- 1) ileqqoreqqusaat Naalakkersuisunit akuersineqarsimappat
- 2) folkehøjskoli ininik naapertuuttunik atortussanillu pisariaqartunik peqarpat.
- 3) folkehøjskolimi siulersuisut § 8, imm. 3-mi piunasaqaatit taaneqartut eqqortissavaat.

Imm. 3. Folkehøjskolip ileqqoreqqusaa makkunannga imaqassaaq:

- 1) Suliffeqarfiup imminut pigisup aqqa.
- 2) Kommuni suliffeqarfiup imminut pigisup najugaqarfia.
- 3) Suliffeqarfiup imminut pigisup siunertaa.
- 4) Suliffeqarfiup imminut pigisup pilersinneqarnermini pigisaasa nalillit aamma immineri-samik aningaasaataasa annertussusaat.
- 5) Pilersitsisuusumik allanilluunniit immikkut pisinnaatitaaffiliisimanerit imaluunniit iluaqutissaqartitsinerit.
- 6) Siulersuisut katitigaanerit amerlassusissaallu, qanoq toqqarneqartarnissaat aamma piffissaq atuuffiat, tak. § 8, imm. 2 aamma 3.
- 7) Naatsorsuutit saqqummiunnissaannut malittarisassat.
- 8) Sinneqartoorutit qanoq atorneqarnissaat.

§ 12. Naalakkersuisut akuersissut tunuartissinnaavaat, folkehøjskolip § 11, imm. 2-mi piunasaqaatit eqquutsissinnaajunnaarpagit. Naalakkersuisut aammattaq akuersissummik tunartitsissinnaapput, folkehøjskolip ilinniartitsinera allatigulluunniit pissutsit § 1-imi aalajangersakkanut erseqqissumik akertilusutut nalilernerqarata.

Imm. 2. Imm. 1-imi naggatit aappaat naapertorlugu akuersissummik tunuartitsineq taamaallaat pisinnaavoq iliussissat sunniuteqannginnerusut misilinneqareersimappata.

Tapiissutit

§ 13. Inatsisartut Aningaasanut Inatsisaanni aalajangersarneqartut iluanni Naalakkersuisut, folkehøjskolinut akuerisaasunut tapiissuteqartassapput piumasaqaatit makkua aallaavigalugit:

- 1) Folkehøjskolit pisortaat ilinniartitsisuilu akissaateqartinneqassapput Naalakkersuisut isumaqatigiissuteqarfigninnaasaasa iluanni atorfiit assingusut pillugit aalajangersakkat naapertorlugit. Atorfininnermi atugassarititaasut allat allakkatigut isumaqatigiissutigineqassapput.
- 2) Folkehøjskolip Naalakkersuisunut uppenarsassavaa folkehøjskolip forstanderiata ilinniartitsisuisalu naammaginatimik soraarnerussutisiassaqaarnissaasa qularnaarneqarnerat.
- 3) Siulersuisut ukiumoortumik nalunaarussiaq, naatsorsuutini kukkunersiuukkanik aamma aningaasartuutissat isertitassallu missingersersuusiorterannik ilaqartoq Naalakkersuisunut nasitissavaat.
- 4) Folkehøjskolip ingerlassassanik pilersaarutai Naalakkersuisunit akuerisaassapput.

§ 14. Ilinniartunut § 1, imm. 1-imi pineqartunut Naalakkersuisut Inatsisartut Aningaasanut Inatsisaanni aalajangersarneqartut iluanni folkehøjskolinut tapiissuteqartassapput,

- 1) minnerpaamik sapaatip-akunnerini 36-ni tapiiffigineqarsinnaasumik ilinniartitsisoqarpat,
- 2) ilinniartitsineq annerpaamik marloriarluni folkehøjskolernertut aqqissuussaappat,
- 3) folkehøjskolernerit tamarmik minnerpaamik sapaatip-akunnerinik 13-inik sivissuseqarpata, aamma
- 4) tapiiffigineqarsinnaasumik ilinniartitsinermik ingerlatsinerup iluani ukioq naallugu ilinniartut minnerpaamik 20-uppata.

Imm. 2. § 1, imm. 1 naapertorlugu ukioq naallugu ilinniartuq tassaavoq ukiup ataatsip ingerlanerani sapaatip-akunnerini 36-ni ilinniartorisaaq ataaseq.

Imm. 3. Tapiissutit naatsorsorneqassapput ukioq naallugu ilinniartut sapaatip-akunnerisalu ilinniartitsiffiusut tapiiffigineqarsinnaasut amerlassusaat aallaavigalugit.

Imm. 4. Naalakkersuisut tapiissutit naatsorsornerat, tunniunneqartarnerat aqutarinerallu pillugit malittarisassanik aalajangersaasinnaapput, tamatumunnga ilanngullugit ukioq naallugu ilinniartut ikinneruneranni sapaatillu-akunnerisa ilinniartitsiffittut naammassiat ikinneruneranni tapiissutit ikilissinneqarsinnaanerit pillugu aalajangersakkat.

§ 15. Ilinniartunut § 1, imm. 2-mi pineqartunut Naalakkersuisut folkehøjskolinut tapiissuteqartassapput, ilinniartitsineq folkehøjskolernertut aqqissuunneqarpat, minnerpaamik sapaatip-akunnerini 36-ni tapiiffigineqarsinnaasumik ilinniartitsisoqarpat aamma Naalakkersuisut folkehøjskolit ilinniartitsinermut pilersaarussiaat tigussimappatigit, tak. § 9, imm. 4. Tapiissutit ilinniartitsinerup suussusia, imarisai, annertussusia ilinniartullu amerlassusaat naapertorlugit Naalakkersuisunit aalajangerneqassapput.

Imm. 2. Ilinniartitsinermut pilersaarutit minnerpaamik makku pillugit allaaserisat imarissavaat:

- 1) Ilinniartitsinerup siunertaa
- 2) Ilinniartitsinerup ilusaa, tamatumunnga ilanngullugit sapaatip-akunnikkaartumik ilinniartitsinerup aamma folkehøjskolimiinnerup sivissuusaat ilinniartitsinermullu naleqqiullugu ilinniartut amerlassusaat,

§ 16. Ilinniartunut § 1, imm. 3-mi pineqartunut tapiisoqassaaq, ilinniartitsineq folkehøjskolernertut aqqissuunneqarput, ilinniakkamullu pineqartumut ilinniartitsinermut pilersaarut naapertorlugu ingerlanneqarpat, tak. § 9, imm. 4 aamma § 15, imm. 2. Tapiissutit aalajanger-

neqassapput, ilinniarfimmi il.il. nalinginnaasumik ilinniartitsinermik pineqartumik neqerooru-teqartartumi, ilinniakkap ingerlanneqaruni akigiумаагаа assigalugu.

Imm. 2. Naalackersuisut folkehøjskolinut taxameteri malillugu tapiissutit naatsorsornissaat, tunniunnissaat aqutarinissaallu pillugit malittarisassanik aalajangersaasinnaapput, taakkununga ilanngullugit ukioq naallugu ilinniartut ikinneruneranni sapaatillu-akunnerisa ilinniartit-siffittut naammassiat ikinneruneranni tapiissutit ikilisinneqarsinnaanerit pillugu aalajanger-sakkat.

§ 17. Folkehøjskolit forstanderiisa ilinniartitsisuisalu ilinniartuarnissaat siunertaralugu pik-korissarnernut Naalackersuisut tapiissuteqarsinnaapput.

Imm. 2. Forstanderit ilinniartitsisullu ilinniaqqinnerminni piffissap ilaa tamakkiisumilluun-niit sulinnigiffeqartut akissarsiaqartinnerinut Naalackersuisut tapiissuteqarsinnaapput.

Imm. 3. Tapiissutit imm. 1 aamma 2 naapertorlugit tunniunneqartut efterskolimut aningaa-sartuuteqartuusumut tunniunneqassapput.

Imm. 4. Naalackersuisut pissutsit imm. 1-3-mi taaneqartut pillugit erseqqinnerusunik aala-jangersagaliorsinnaapput.

§ 18. Folkehøjskolit siunertamik iluanni, Naalackersuisut tapiissutaasa isertitallu allat ataat-simut isigalugit qanoq atornissaat namminneq aalajangissavaat. Taamaattoq piumasaavoq i-linniartitsineq tapiiffigineqartoq malittarisassat atuuttut ilinniartullu tapiiffigineqartut amer-lassusaat naapertorlugit ingerlanneqassasoq.

Imm. 2. Folkehøjskolit aningaasat atunngisat ukiup naatsorsuuseriffiup tullianut nuussin-naavaat.

§ 19. Naalackersuisut tapiissutit unitsikkallarsinnaavaat atorunnaarsillugilluunniit, tamatu-munngalu ilanngullugu tapiissutaareersimasut uterteqqusinnaallugit, tapiissutisinnissamut piu-masarineqartut equutinneqanngippata aamma ilinniartitsineq ilinniartitsinermut pilersaarut malillugu ingerlanneqanngippat. Tapiissutit utertinnissaat atorunnaarsinnissaalluunniit pillugit Naalackersuisut malittarisassaliorsinnaapput.

Ilinniagaqarnersiutit

§ 20. Ilinniartut § 1-imi pineqartut tapiiffigineqarsinnaasumillu sivikinnerpaamik sapaatip-akunnerini 13-imi folkehøjskolimiittut ilinniagaqarnersiutit pillugit nalunaarummi malittari-sassat naapertorlugit ilinniagaqarnersiaqassapput. Taamaattoq ilinniagaqarnersiaqarneq taa-maallaat pisinnaavoq, ilinniartup ilinniarnermi aallartinnerani, unitsitsinerani naammassinera-nilu angalanerminut akiliunneqarneratut aamma nerisaqarnermut ineqarnermullu akiliutissat ilanngaatererlugit ikiorsiissutisiatut.

Imm. 2. Folkehøjskolit akuerisaasut siulersuisuinit inassuteqaateqartoqareerneratigut, Naa-lackersuisut folkehøjskolimi sivikinnerpaamik sapaatip-akunnerini 13-inik sivisussuseqartu-mik ilinniartut, § 1, imm. 1-imi pineqartut, sapaatip-akunneranut akiliutigisartagassaat aalaja-ngertassavaat.

Imm. 3. Kalaallit Nunaanni Kommuneqarfiit Kattuffiat siunersioreerlugu Naalackersuisut aalajangertassavaat imm. 2-mi ilinniartup akiliutissaata akuerineqartup ilaa qanoq angitigisoq ilinniartumit namminermit akilerneqartassanersoq aammalu qanoq angitigisoq kommunimit najugaqarfigisaanit akilerneqartassanersoq, ilinniartunut § 1, imm. 1-imi pineqartunut atatil-lugu.

Nakkutilliineq

§ 21. Naalackersuisut folkehøjskolinik nakkutilliissapput aammalu paasissutissanik tamanik nakkutilliinissamut atorneqartussanik piniarsinnaallutik. Paasissutissat pisariaqartinneqartunik tunniussinnginnerup nassatarisinnaavaa tapiissutit uninngatinneqarnerat imaluunniit unitsinneqarnerat il.il. aqputigalugit pineqaatissiisoqarnera.

Misiligaalluni ingerlatsineq

§ 22. Naalackersuisut Inatsisartut peqqussutaanni aalajangersakkanik saneqqutsisinnaapput Inatsisartut peqqussutaanni pineqartut iluanni misiligaalluni suliaqarnissap siuarsarnissaa pisariaqartinneqarpat.

Atuuttuulersitsinermut, ikaarsaariarnermut atorunnaarsitsinermullu aalajangersakkat

§ 23. Inatsisartut inatsisaat atuutilissaaq 1. januar 2011, ilutigisaanillu atorunnaarsinneqarpoq folkehøjskolit pillugit Inatsisartut peqqussutaat nr. 9, 21. maj 2002-meersoq. Malittarisassat Folkehøjskolit pillugit Inatsisartut peqqussutaat nr. 9, 21. maj 2002-meersoq naapertorlugu aalajangersarneqartut atuutissapput, malittarisassanik Inatsisartut inatsisaat manna allaluunniit naapertorlugit malittarisassalianik taarserneqarnissamik tungaanut.

Imm. 2. Folkehøjskolit Inatsisartut peqqussutaat imm. 1-imi taaneqartoq naapertorlugu akuerineqartut akuerisaasutut isigineqarput. Taamaattorli folkehøjskolit siulersuisuisa ileqqoreqqusat kingusinnerpaamik 1. marts 2011-mi Naalackersuisunit akuerisassanngorlugit nas-siutereersimassavaat.

Imm. 3. Siulersuisut Inatsisartut peqqussutaat imm. 1-imi taaneqartoq naapertorlugu toqqa-gaasimasut, piffissap toqqagaaffimmik naanissaanut ingerlaannassapput, tamatumalu kingorna siulersuisunit Inatsisartut inatsisaat manna naapertorlugu toqqagaasunit taarserneqassallu-tik.

Namminersorlutik Oqartussat, xx. xx 2010.

Kuupik Kleist

/

Mimi Karlsen